

vnd zu wasser würt/ den brauchen sie vnder ire farb-
lin/ also thunt auch die maler/ vñ was irs handels ist.

Vorzeiten liessen die junge gesellen jr haar mit eyer Haar büß-
fen.
klar büßfen vnd krauß machen/ jezunder bescheren sie
sich gar / vnd lassen die kunst vom eyer klar den junck-
frawen züstehn/ die wissen jr geles haar darmit zübes-
reiten.

Andere Künstler als Goltarbeiter / Alchymisten/
vnd irs gleichen/ treiben wunder mit den eyern.

Die Apoteccker können d's eyer klars zü iren confe-
cten auch nicht emperen/ deßgleichen wann sie den zu-
cker clarificiern vnd leüttern. In summa eyer werden
zü vilen sachen nützlich gebraucht.

Ein holz mit eyer klar vberzogen/ vnd widerumb
gedrücknet/ sol im feu: nit verbrennen. So vil sei von
Eyern gesagt.

Von Hünern vnd geüßgels in der
gemein. Cap. xij.

S Ir wöllen jezunder nit von allen gefiderten vö-
geln/ was natur vñ art jeder habe/ für die hand
nemen/ dann solchs auß zü füren besondere bücher be-
darff/ wöllen auff diß mal in der gemein von Teut-
schen vögeln/ so vil jr in vnser Teutschē kuchen dienst-
lich sein werden/ ein wenig schreiben/ vnd das vberig
gefögels so vns nit tauglich/ andern leutten / darmit
sie auch züthün gewinnen/ befelhen vnd züstellen.

Erstlich so ist offenbar/ das alles gefögels zam vñ
wild/ groß vnd klein/ iren anfang vnd außgang von

6